

Deo optimo max. uni & trino, Virgini Deiparae, & sancto Lucae orthodoxorum Medicorum Patrono. (1702) Aug. 1402

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis sexta Februarii.

M. FRANCISCO GOÛEL, Doctore Medico, Præside.

An ingenio brevioris vite?

UT artis sic Naturæ opera motu continentur. Si quæ corporibus mutatio contingit, si quid oritur, si quid interit, maximam operis partem motus sibi vindicat. Hic in viventibus manifestius se prodit, ac sensu magis deprehenditur, nulla si quidem res alia magis quam motus viventia à vitæ expertibus discriminat. Illa in jugi versantur motu, hæc vero quæta jacent, & alta fruuntur pace: hinc quæ vitæ carent nullis fere mutationibus obnoxia diutissime permanent, contra quæ vitæ fruuntur varias mutationum vices subeunt, & statim ab ortu per varias ætates veluti per quosdam gradus ad interitum tendunt: at licet omnibus una sit expectanda ac longiorem aut breviorẽ vitam sortiuntur.

VITA definitur permanens calor in humido. Ille ætheræ cujusdam naturæ particeps crasso densoque, ne citò avolaret, subjecto tanquam carcere quodam contineri debuit: hoc munus implet humidum, ut vocant, radicale, quod pinguis, & oleosæ cujusdam instar substantiæ tenuem illum calorem, & ad eruptionem continuò paratum suo sinu fovet, & veluti vinculis ac compedibus irretitum tenet: hic tamen quietis impariens, & suæ semper retinens indolis nusquam otiosus manet, sed subjectum cui inest assiduo versat, alterando subigit ac tandem depascitur. Pro varia tamen quam habet cum humido mixtionis proportionem diversimodè agit: Sic altius humore demersus, ac velut obrutus lentiori progreditur motu, at rerum dominio potius citissimo rapitur cursu, & absumpto eo quo fovebatur pabulo absumitur ipse tenuisque evanescit in auras.

UT à caloris nativi in humidum actione perpetua ætatem ac temperamentorum diversitas, sic ab utriusque variâ inter se proportionem varia oritur ingeniorum Indoles. Hinc homo homini plurimum præstat, & supra humanam sortem se se extollens tam fere à cæteris hominibus distat, quam isti à brutis animantibus differunt. Tanti discriminis causa non à cælo, non à siderum influxu, sed à diverso caloris motu repetenda. Caloris nomine spiritus per universum corpus diffusos intelligas. Hi primum & præcipuum animæ in obeundis functionibus instrumentum perhibentur. Hanc ejusdem licet in omnibus hominibus essentia ac naturæ varie ad agendum determinant. Ab eorum tenuitate & perspicuitate ingeniosi fiunt: à crassitie & densitate hebetes & stupidi. Illi maturitatem quidem citius consequuntur, & ante tempus adolescunt, sed quem gremio gerunt calorem, is actuosus maxime tam assiduo micat, agitur & ad humilis assumptionem tam citò festinat, ut actione continua magis ac magis fatiscens tandem præmaturam sibi ruinam moliat.

NON bene conveniunt, nec in una sede morantur acumen ingenii, & longos in annos retinendæ vitalis flammæ apta temperies partiumque conformatio. Illud ex biliosio & melancholici succi mixtione prodit. Ab utroque spiritus generantur subtiliores, tersi, nitentes, & quales ad sublimia mentis opera requiruntur. Accedit nervorum tenuitas, cutis lævitas, & cerebri substantia mollior quam spiritus facile pervadunt, & in qua res objectæ citius imprimuntur. Hinc facilis apprehensio & intelligentia, recessico gaudet temperamento vis illa animæ quæ facit hominem præstanti ingenio prædum, ad vitæ vero diuturnitatem magna competit humidi copia, quæ caloris aculeos re-tundens illius impetum cohibet, & actionem refrænât, & quemadmodum ignis tenui vel crasso accensus materiâ citius tardiusve extinguitur, sic calor vitæ opifex pro majori vel minori humoris primigenii quantitate breviores aut longiores moras in corpore viventis necit.

FAUSTA ergo & infausta simul ingeniosi conditio, magnum quiddam est, & prope divinum cæteros homines ingenii fecunditate, cogitationis celeritate, sermônis elegantia longo post se intervallo relinquere, mentem habere in omne argumentorum genus paratissimam, ad alios imperandum comparatam, ad laudem gloriam, & partem decus natam: at quanto pretio ster illa mentis acies, & virtus sublimior testis est infelix illa nutritionis ratio, quæ raptis maxima ex parte ad cerebrum spiritibus cæteræ partes inopes suis ægre funguntur muneribus, & vix alimentis probe conficiendis suffragantur: accedunt graviore curæ quibus discruciantur ingeniosi, negotiorum multitudo quibus implicantur, animi pathemata quibus vehementius torquentur, quibus omnibus commoti, & magnâ copiâ dissipati spiritus præproperam inducunt moriendi necessitatem.

Ergo ingenio brevioris vite.

DOMINI DOCTORES DISPUTATURI.

M. Franciscus Goûel, Præsides.
M. Antonius Varin.
M. Nicolaus Brunel de la Carlière.

M. Claudius Gœn.
M. Paulus Mære.
M. Carolus le Dug.

M. Ludovicus Morin.
M. Petrus Lombard.
M. Philippus Mathon.

Proponerebat Parisiis CAROLUS CONTUGLI, Parisinus Baccalaureus Medicus. A. R. S. H. 1687.

